



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Germanicè simul concionatur.

urn:nbn:de:hbz:466:1-41515

*Multiplicis
industria
pietatem
excolit.*

Ergo docere exorsus, vt qui non suæ venabatur incrementa celebritatis, sed id modò agebat, vt auditoribus Christum per doctrinam infereret, multa ad eam rem adiumenta excogitauit. Principio præter ordinarias in Theologia scholas, quotidie priuatas alias instituit domesticos intra parietes; vt ex occasione commodius, ac familiarius auditores in pietate institueret; & ad frequentem exomologeseos, ac synaxeos vsu alliceret. Deinde ad publicos, priuatosq; scholæ labores, latinas homilias adiecit diebus sacris ad studiosam literarum iuuentutem. Quin etiam paulò post morem, qui vigeat Coloniae introduxit, vt ipsimet iuuenes de virtute quapiam declamarent. Quæ exercitatio & ipsis dicentibus instillaret sensim eiusdem virtutis amorem, & Canisio locum præberet opportuna iis monita suggerendi. Super hæc, quoniam vera caritas nihil non, Deo nixa, confidit, & experitur, in Magno ieiunio germanice quoque cœpit ad populum verba facere. Nec postea conciones has, quãdiu Ingolstadij mansit, vllò vnquam tempore intermisit. Ad eas verò tanti fiebant concursus, vt in templum fuerint multo capacius transferenda:

*Germanice
simul con-
cionatur.*

dæ: & tamen ne illud quidem caperet vniuersos:
 sed multi conferti pro foribus, & ad fenestras au-
 dirent. Quanto vero salutare magis, quam plau-
 sibile tractatus essent, vel præsentis argumento
 patebat. Cum enim sacrificium Missæ (ô tempo-
 ra) non leuem in contemptum venisset, soleretq;
 multitudo oscitanter admodum, irreligioseque
 interesse, & magnam partem vix recitato Euan-
 gelio, aut sanctissimo Christi corpore, sanguine-
 que ad adorandum sublato dilabi; quo die con-
 cionem habuerat Canisius, summa omnes pati-
 entia, ac pietate ad finem vsque perstabant. Inua-
 serat precandi Numinis negligentia tanta, vt pro-
 pe mortales puderet conspici in ædibus sacris o-
 rantes. Hoc vt vitium tolleret, primum excogita-
 uit vt adolescentes, quorum quasi sodalitatem
 conflauerat, communiter Cælites per Litanias
 inuocarent, & alias preces exequerentur. Deinde
 pro concione ipsemet adhortari populum insti-
 tuit ad saluberrimum illum, Deoque gratissimū
 cultum: monitisque omnibus, vt vnà secum con-
 iungerent preces, simul ac finem dicendi fecerat,
 flectebat piè genua, & concepta in verba præibat:
 populusque vniuersus item flexis genibus subse-
 que-

*Precum mo-
 rem inducit.*